



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1595. usque ad annum 1600

**Fleury, Claude**

**August. Vind. [u.a.], 1773**

**VD18 90118677**

§. 38. Philippi II. Hispaniarum Regis obitus.

---

[urn:nbn:de:hbz:466:1-67263](https://nbn-resolving.org/urn:nbn:de:hbz:466:1-67263)

Sæcul. XVI.  
A.C. 1598.

nisi eo Romam reverso Sillerius iter instituit, quo ibidem adventante Henrico Rex ad Ducem, Senatūque Venetum præprimis Jacobum Augustum Thuanum mittere decreverat, cum autem extricandas Nannetensis edicti difficultates ejus opera indigeret, Antonium Sequierum Præsidentem Parisiensem Venetias ablegabat, Romæ vero Cardinalem Ossatum, qui jam antea Francos ibidem procuraverat, ad promovendam divortii sui causam impense sollicitabat. Attamen totum hoc negotium vix non penitus dissipatum credebatur; Rex enim paulo post derepente violenta febris correptus per integrum biduum nullam vitæ spem reliquam fecerat, quamprimum tamen ex eo morbo convaluit, rem urgere cœpit.

§. XXXVIII.

*Philippi II. Hispaniarum Regis obitus.*

*Thuan. l. c.  
Gallut. de  
bello Belg.  
l. 10.*

Hic idem mensis September, qui olim Caroli V. postremus erat, pariter Philippo II. ejus Filio Hispaniarum Regi exitialis fuit; postquam enim Albertus Austriæ Archidux Isabellam Claram Eugeniam ejusdem Hispaniæ Regis Filiam facta a summo Pontifice legis gratia sibi desponsaverat, ac Belgii administrationem Andreæ Cardinali Austriaco Ferdinando Archiduci



Archiducis Filio reliquerat, deposita Sæcul.XVI.  
 Purpura sacra die decima quarta Se- A.C.1598.  
 ptembris iter Hispaniam versus per Ger-  
 maniam suscipere paravit, ut Græcio  
 in Styria Margaritam Austriacam Spon-  
 sam Philippo III. Philippi Regis Filio  
 destinatam secum duceret: porro Wir-  
 tenbergam delatus luctuosum de præ-  
 fati Philippi obitu nuntium accepit: hic  
 enim annum jam alterum doloribus, *Turrian.*  
 variisque ulceribus cruciabatur, cum *de felici ex-*  
 vero se jam morti proximum intellige- *cessu Philip-*  
 ret, die trigesima prima Maji dissuaden- *pi II.*  
 tibus licet Medicis ad sancti Laurentii  
 Conventum Ordinis Hieronymitani pro-  
 pe Escuriacum, ut ad mortem sancte  
 obeundam sese utilius instrueret, defer-  
 ri voluit, atque a Didaco de Yepes ejus-  
 dem Ordinis Religioso de summo vitæ  
 periculo admonitus conscientiam suam  
 ab omnibus noxis toto vitæ tempore  
 contractis in sacro tribunali expiabat,  
 variisque pietatis exercitiis ad æterni-  
 tatis iter feliciter peragendum sese ac-  
 cingebat. Demum Caroli V. Patris sui  
 sepulcrum aperiri, & loculi magnitudi-  
 nem dimetiri, tandem vero simile fe-  
 retrum sibi construi, atque in suum con-  
 spectum afferri iussit, ut regix dignita-  
 tis amplitudinem tandem duorum pal-  
 morum loculo concludi contempleretur:  
 ejus autem vita magis ad mortem

*Hist. Eccles., Tom. LII.*

Z pro-



**Sæcul. XVI.** properante Garfiam Loailam Filii  
**A.C. 1598.** Moderatorem, Toletanum Archiepiscopum, nec non Camillum Cajetanum Patriarcham Alexandrinum Pontificis Moderatorem die decima sexta Augusti accessit, ubi ab isto, atque a summo Pontifice omnium criminum veniam, & Apostolicam benedictionem exposcens, Sacramentis Ecclesiæ Catholicæ Sacramentis communiri petiit, quæ etiam cum summa pietatis significatione recepit, palam testatus, præter hanc sibi nullam lætorem horam vitæ universæ spatio effluxisse: demum ad Philippum Filium suum conversus: *Aspice fili, inquit, quo demum humana omnia vergant. Hæc illa recidunt tanta ambitione quæsitæ, et custodita laboribus, animique periculis imperia, ac diademata, quo me vides ex illo in Regnorum fastigio delapsus & ipse deiciaris aliquando: hinc id tibi curæ sit unice talis ut vivas, qualis optes a morte deprehendi. Tria præ ceteris tibi, Nate, super magni hæreditatem imperii lego, enixaque commendo, Christianæ, Catholicæque Fidei adversus sectas omnes indefessam defensionem, Romanæ, atque Apostolicæ Sedis reverentiam, ac venerationem, justitiam in subditos populos nullo tempore violandam. Hæc elocutus postea Isabellam Filiam suam unice dilectam ita alloquebatur: *Visum Leo non fuit, ut, quod in votis perpetuo habuer-**



Sæcnl. XVI.  
A.C. 1598.

habueram, te ante matrimonio junctam vi-  
derem, quam e vivis excederem: rogo ta-  
men, ut qualem vitam apud me ad eam usque  
diem traduxisti, a me dissociata continues in  
posterum: curam imprimis omnem impende,  
ut in Belgicis Provinciis, quas tibi in dotem  
reliqui, catholica fides augeatur; hic enim  
consilii mei finis erat præcipuus: spero au-  
tem, te minime neglecturam, quod amantis-  
simus Pater a te postremo discedens tam im-  
pense rogat: idem studium Alberto Conju-  
gi tuo, cum primum in ejus conspectum ve-  
neris, meo nomine plurimum commendes ve-  
lim. His dictis Filix suæ maximi pre-  
tium adamantem, quem ab Elisabetha u-  
xore sua receperat, consentiente Filio  
donabat, mox vero Mondejaræ Marchio-  
nem, Antonium Peresium, nec non  
ob furtivum fericidium captos liberari  
præcepit, damnatis vero ad mortem vi-  
tæ veniam fecit: sub idem quoque tem-  
pus arculam quamdam a Ferdinando  
Toletano ad se deferri voluit, ex qua  
Christi e cruce pendentis simulacrum  
præter duo conferta e funiculis flagella  
deprompsit, ad Filium suum dicens:  
Hæc avitæ pietatis monumenta sunt, utinam  
in omnem itura posteritatem. Hanc effi-  
giem Dei Cruci affixi habens in manu Ca-  
rolus Parens meus, animam tradidit in e-  
jusdem manus. Cum eadem ego tam bono  
Duce ex hac vita discedam, tuque in hoc  
Z 2 etiam



Sæcul. XVI. *etiam Majorum tuorum insiste vestigiis. P*  
A.C. 1598. *gella, quæ vides, & forte pro tenera atque*  
*horres, insignia sunt imperii, quod Av*  
*idem tuus in suum corpus exercebat. Sa*  
*guis, quo perfusum eorum alterum est, eju*  
*dem est. Venerare memoriam, imitare p*  
*tatem. His prolatis præfatam Christi*  
*Cruci affixi imaginem, in cujus amplexu*  
*Carolus ejus Parens ante quadraginta*  
*annos eodem mense expiraverat, sæpius*  
*religiose deosculatus hæc verba pronun-*  
*tiabat: Equidem ut vir Catholicus in fide,*  
*atque obedientia sanctæ Romanæ Ecclesie*  
*morior: dein duabus ante obitum horis tam*  
*vehemens animi deliquium patiebatur, ut jam*  
*jam vivis excessisse crederetur, paulo post*  
*men linquentem animam revocans, fixos*  
*in cælum oculos aliquamdiu tenebat, demum*  
*vero die decima tertia Septembris, quæ in*  
*Dominicam incidit, eadem, qua semper vixerat,*  
*tranquillitate, animique constantia felicem*  
*animam Deo reddidit, postquam ultra ætatis*  
*sue septuagesimum primum vixerat, ac*  
*quadraginta ferme tribus annis Hispaniæ*  
*Regnum moderatus fuerat. Sepultus est in*  
*Ecclesia sancti Laurentii juxta altare prope*  
*tumulum Annæ postremæ uxoris sue, prout*  
*ipsemet testamento caverat.*